

## Lutfa Ćuprija, geom.



Dana 31.12.2020. godine zauvijek nas je napustila kolegica Lutfa Ćuprija. Lutfa Ćuprija, rođ. Smajlagić, rođena je 07.12.1932. godine u Maglaju. U Sarajevo je došla 1941. godine da živi i pomaže svojoj tetki (majčinoj sestri) i tetku. Nakon završene osnovne škole i Gazi Husrev-begove medrese, 1949. godine upisuje Geodetsku tehničku školu u Sarajevu. Bila je jedna od rijetkih djevojka koja je u to vrijeme završila spomenutu školu. Godine 1955. zaposlila se u Geodetskoj upravi Bosne i Hercegovine, a 1958. odlazi u Katastar Zavidovići gdje se i vjenčala sa Muhamedom Ćuprijom, i tu ostaje narednih 20 mjeseci do povratka u Sarajevo. Godine

1962. premještena je u novoformirani Geodetski zavod u Sarajevu. Sudjelovala je na radovima novog premjera širom Bosne i Hercegovine.

Skladan porodični život u trajanju od 62 godine provela je sa svojim suprugom Muhamedom, također geodetom, sa kojim je imala dvoje djece, kćerku Muhibu i sina Muhidina. Muhidin je krenuo stopama svojih roditelja i postao ugledni diplomirani inženjer geodezije. Lutfa i Muhamed su dijelili i uspješan poslovni zajednički život, obzirom da su skupa radili na odjelu fotogrametrije u prostorijama nekadašnjeg Higijenskog zavoda u Sarajevu, potom na Grbavici i naposljetku u novoj zgradi Geodetskog zavoda na Alipašinom Polju u Sarajevu.

Ukopana je u sarajevskom mezarju Nišan-Jarčedoli 2. 1. 2021. godine, i ispraćena od porodice, rodbine, prijatelja te mnogobrojnih kolega i sugrađana.

*Muhiba Adanalić*